



柳田文庫
文庫11
D 316
6



文庫 11
D 316
6



忠武誌卷之九

遂寧張騰翮輯

劉廷璣

全校

張懋齡

詩

八陣圖

晉 桓 溫

訪古識其真尋源愛往迹恐君遺事節聊下南山石

蜀相

唐 杜 甫

丞相祠堂何處尋錦官城外柏森森映階碧草自春色隔葉黃鸝空好音三顧頻煩天下計兩朝開濟老臣心出師未捷身先死長

忠武誌

卷之九

詩



010190567023

使英雄淚滿襟

詠懷古蹟

諸葛大名垂宇宙宗臣遺像肅清高三分割據紆籌策萬古雲霄
一羽毛伯仲之間見伊呂指揮若定失蕭曹運移漢祚終難復志
決身殲軍務勞

武侯廟

遺廟丹青落空山草木長猶聞辭後主不復卧南陽

夔州歌

武侯祠堂不可忘中有松栢參天長干戈滿地客愁破雲日如火

炎天涼

諸葛廟

久遊巴子國屢入武侯祠竹日斜虛寢溪風滿薄帷君臣當共濟
賢聖亦同時翊戴歸先主并吞更出師蟲蛇穿畫壁巫覡醉蛛絲
歎憶吟梁父躬耕起未遲

古栢行

孔明廟前有老栢柯如青桐根如石霜皮溜雨四十圍黛色參天
二千尺君臣已與時際會樹木猶爲人愛惜雲來氣接巫峽長月
出寒通雪山白憶昨路遶錦亭東先主武侯同闕宮崔嵬枝幹郊

原古窈窕丹青戶。牖空落落盤踞。雖得地冥冥。孤高多烈風。扶持
自是神明力。正直元因造化工。大厦如傾。要梁棟萬牛。回首邱山
重。不露文章世。已驚未辭剪伐。誰能送苦心。豈免容螻蟻。香葉終
經宿。鸞鳳志士幽人。莫怨嗟。古來材大難爲用。

八陣圖

功蓋三分國。名成八陣圖。江流石不轉。遺恨失吞吳。

東坡志林僕嘗夢見人云是杜子美謂僕曰世人多誤會余八
陣圖詩以爲先主武侯欲與關羽復讐故恨不能滅吳非也我
意本謂吳蜀唇齒之國不當相圖晉之所以能取蜀者以蜀有

吞吳之意此爲恨耳自別其意真書生習氣耶

讀諸葛武侯傳懷贈崔少府

唐李白

漢道昔云季。羣雄方戰爭。伯圖各未立。割據資豪英。赤伏起頽運。
卧龍得孔明。當其南陽時。隴畝躬自耕。魚水二顧合。風雲四海生。
武侯立岷蜀。壯志吞咸京。何人先見許。但有崔州平。余亦草間人。
頗懷極物情。晚途植子玉。華髮同衰榮。託意在經濟。結交爲弟兄。
毋令管與鮑。千載獨知名。

先主武侯廟

唐岑參

先主與武侯相逢雲雷際。感通君臣分義激。魚水契遺廟空蕭然。

英靈貫千歲

武侯廟古栢

唐李商隱

蜀相堦前栢龍蛇捧闕宮陰成外江畔老向惠陵東大樹思馮異
甘棠憶召公葉凋湘燕雨枝折海鵬風玉壘經綸遠金刀歷數終
誰將出師表一為報昭融

籌筆驛

魚鳥猶疑畏簡書風雲長為護儲胥徒令上將揮神筆終見降王
走傳車管樂有才真不忝關張無命欲何如他年錦里經祠廟梁
甫吟成恨有餘

題籌筆驛

唐杜牧

三吳列婺女九錫欺孤兒伯主業未半本朝心是誰永安宮受詔
籌筆驛沉思畫地乾坤在濡毫勝負知艱難同草創得失計毫釐
寂寞經千慮分明渾一期川流營智慮山聳助扶持慷慨匡時畧
從容問罪師褒中秋鼓角渭曲晚旌旗仗義懸無敵鳴攻固得宜
若非天奪去豈復慮能支子夜星纔落鴻毛鼎便移郵亭世自換
白日事長垂何處躬耕者猶題八字詩

南陽道中

唐許渾

月斜孤館傍村行野店高低帶古城籬上曉花齋後落井邊秋葉

忠武詩 卷之九 四
社前生饑鳥索哺隨雞叫乳特慵歸望犢鳴荒草連天風動地不
知誰學武侯耕

觀八陣圖

唐 劉禹錫

軒皇傳上畧蜀相運神機水落龍蛇出沙平鵝鶴飛波濤無動勢
鱗甲避餘威會有知兵者臨流指是非

題籌筆驛

唐 薛逢

天地三分魏蜀吳武侯崛起贊紆謀身依豪傑傾心術目斷雲山
演陣圖赤伏運衰功莫就皇綱力振命先祖出師表上留遺恨猶
自千年激壯夫

遊嘉陵後溪

唐 薛能

八陣圖成已絕倫出師二表更忠勤可憐五丈星宵隕後主含酸
入魏軍

籌筆驛

唐 羅隱

拋擲南陽爲主憂北征東討盡良籌時來天地雖同力運去英雄
不自由千里山河輕孺子兩朝冠劍恨譙周惟餘巖下多情水猶
解年年傍驛流

過五丈原

唐 溫庭筠

鐵馬雲騅久絕塵柳陰高壓漢營春天晴殺氣屯關右夜半妖星

忠正詩 卷之九 五
照渭濱下國卧龍會寤主中原逐鹿不因人象牀錦帳無言語從
此譙周是老臣

武侯廟古栢

唐 雍 陶

密葉四時同一色高枝千歲對孤峰此中疑有精靈在爲見盤根
似卧龍

南陽

胡 曾

世亂英賢百戰餘孔明方此樂耕鋤蜀王不自垂三顧爭得先生
出草廬

瀘水

五月驅兵不入毛月明瀘水瘴煙高誓將雄略酬三顧豈憚征蠻
七縱勞

諸葛武侯

宋 王安石

漢日落西南中原一星黃羣盜伺昏黑聯翻各飛揚武侯當此時
卧龍獨摧藏掉頭梁父吟羞與衆爭光邂逅得所從幅巾起南陽
崎嶇巴漢間屢以弱攻彊暉暉若長庚孤出照一方勢欲起六龍
東迴出扶桑惜哉淪中路怨者爲悲傷豎子祖遺策猶能走強梁
其二

慟哭楊顛爲一言餘風今日更誰傳區區庸蜀支吳魏不是虛心

忠武志

卷之九

詩

六

豈得賢

隆中

宋蘇軾

諸葛來西國千年愛未衰今朝遊故里蜀客不勝悲誰言襄陽野
生此萬乘師山中有遺貌矯矯龍之姿龍蟠山水秀龍去淵潭移
空餘蜿蜒迹使我寒涕垂

題石鼻寨

北客初來試新險蜀人從此送殘山獨穿暗月朦朧裏愁渡奔河
莽蒼間

八陣磧

平沙何茫茫髣髴見石薊縱橫滿江上歲歲沙水齧孔明死已久
誰復辨行列神兵非學到自古不留訣至人已心悟後世徒妄說
自從漢道衰蜂起盡奸傑英雄不相下禍難久連結驅民市無煙
戰野江流血萬人睹一擲殺盡如沃雪不爲久遠計草草常無法
孔明最後起意欲掃羣孽崎嶇事節制隱忍久不決志大遂成迂
歲月去如瞥六師紛未整一旦英氣折惟餘八陣圖千古壯夔峽

八陣磧

宋蘇轍

漲江吹八陣江落陣如故我來苦寒後平沙如瓦素乘高望遺跡
磊磊六十四遙指如布碁就視不知處世稱諸葛公用衆有法度

區區落袞斜軍旅無濶步中原竟不到置陣狹無所茫茫平沙中
積石排隊伍獨使後世人知我非莽鹵奈何長蛇形千古竟不悟
唯餘桓元子久視不能去

次南陽

宋 陳去非

今日東北雲景象何佳哉我馬且弗驅當有急雨來春寒欺客子
滿意旗下杯百年耳頻熱萬事首不回卧龍今何之有塚已半摧
空餘喬木地薄暮鴉徘徊懷古視落日愧我非長才却憑破鞍去
風林生七哀

謁諸葛廟

宋 喻汝勵

孤雲何其高明月不可繫灼灼抱此心與世自涇渭適來從所歡
感亂亦歔歔咨惟今之人竊國未云恥搔首入吳市秋風空煙水
區區袁與曹等是刺客耳而我於其間秉義不敢墜哀音回衝颺
清義動幽邃天心固難亮吾獨信所履溶溶日間雲漠漠點堦砌
飢颺墮蒼瓦澹泊公所憇靜然相英姿孤懷亦差慰

遊武侯書堂

宋 陸游

沔陽道中草離離卧龍老矣空遺祠當時典午稱猾賊氣喪不敢
當王師定軍山前寒食路至今人祀丞相墓松柏想像梁父吟尙
憶幡然答三顧出師一表千載無遠比管樂蓋有餘世上俗人寧

辨此高臺當日讀何書

孔明書臺

宋 宋 祁

君不見孔明書臺遺廟傍古書不見臺荒涼卧龍未起蜀天遠茅
廬日日空南陽赤符光寒白水涸秣陵王氣猶能作璋若嬰兒操
虎狼脫去荆州殊不惡十倍奇才安用書此臺昔時知有無蜀人
思君識故處未若江水存兵圖黃冠所居門第改祇有坊名今尙
在安得臺邊見古人秋草重生類書帶

卧龍祠武侯祠

宋 朱 熹

空山卧龍處蒼峭神所鑿下有寒潭幽上有明河落我來愛佳名

小桀倚幽壑永念千載人丹青豈今昨英姿儼繪事凜若九原作
寒藻薦芳馨飛泉奉明酌公來識此意顧步慘不樂抱膝一長吟
神交付冥漠

草廬

宋 王十朋

山藏古寺栢青青地重端因蜀相登沙上不聞江轉石人間幾見
谷爲陵龍蛇樹影搖千尺玉雪花枝吐萬層堪歎草廬誰復顧凄
然香火却依僧

諸葛武侯

卧龍起南陽不爲鼎一足託名蜀丞相相漢非相蜀

武侯畫像

宋 王栢

隆中高卧匪無情鼎峙規模豈素心自是將軍三顧晚坐看世變
轉移深

題像

宋 陳淳

國勢三分陣磧空却將輕素寫遺容漢中晏駕英雄老世上何人
識卧龍

書漢丞相諸葛傳後

宋 趙孟若

寰海生民等釜魚先生高卧意何如當時不是劉昭烈三顧何因
出草廬

其二

魚水相歡分最深肯因生死負初心鞠躬盡力王師老一片忠忱
貫古今

武侯祠

宋 陳薦

建安綱紀如綫微高光基業春冰危奸豪拔劍將羣盜驅龍控虎
爭雄雌武侯當日卧南陽韜稜晦角陰營為高吟梁父比管樂胸
中造化無人知東吳北魏最強大不肯逆德為其師先主歛聞元
直語三往咨求當世宜勤勤陳說扶漢室慷慨感義許驅馳一說
孫權敗曹操劉氏遂肇中興基申明號令鼓雷電勗勵士卒獍蛟

螭分留猛將控荆渚翼戴昭烈來坤維獻皇邁害首勸進應天嗣
位開羣疑本謀憑藉蜀富庶養威用作併吞資大勲未集昭烈崩
遵守顧命如周姬均平賞罰重恩信比屋道化皆熙熙七擒孟獲
除後患至今南詔崇靈祠東征直據五丈原欲復成鎬綏華彝上
承先帝創業意下副四海蒼生思推忠伏順氣百倍俯視敵衆真
嬰兒流星落帳芒角惡奄然不起軍如癡仲達雖走禪終齒人謀
不可違天時精魂埋沒已千歲奈無英傑齊高規朔方男子過廟
下秋天寥落霜風悲林梢脫葉響颯颯煙頭暮雨寒絲絲妖狐怪
兔穴壞壁饑鴉餓鵲啼枯枝樵兒敲斷段尹石苔蘚爛斑裴相碑
手植勁柏尙蒼翠疑有神靈潛護持睟容昏剝堂廡陋龍祠神廟
窮珍奇吾心切切慕風概洒泪踟躕成此詩

咏諸葛孔明

宋 陳 慥

古今深忌忿爲兵及雷師臣要力爭白帝敗歸思孝直端知難抗
魏元城

其二

拳屬寧蠻走阿瞞功名繼此坐天慳平生囊括彝華策畏虎纔教
見一斑

過伏龍

蜀棧荆江志未酬
兩京直擬笑談收
僅容孱后存鄴祀
誰遣東吳解魏讐
制敵豈應正爲謀
不合有譙周
伏龍祠上長煙靄
憤氣堂堂恐未休

灘石八陣圖行

宋王剛中

我生孔明後相望
九百載我想孔明賢
巍然伊呂配奇謀
勇略號雄師
大節英風蓋當代
木牛流馬何足言
八陣遺踪千古在我行
已過瞿塘門
長灘石壘參差分
洪纖高下尺寸等
猶有當年節制存
四頭八尾觸處首敵衝
中央兩皆救握奇如樞運
無窮七縱七擒仍敢攻
規模黃帝已垂文
後來得者惟將軍
唐宗李靖拾遺意

樂舞旛表徒繽紛
長江之上石蟠結
江波洶湧石不滅
使君何事遽剗除
一夜風雷吼天闕
明朝依舊石縱橫
神物護持人始驚
向來守蜀用此法
誰知石壘真金城
嗟乎孔明遇不遇
遇則劉公恢大度
國險地狹民力微
法出萬全勢未具
嗟乎孔明以此用於吳
長江內固魏可圖
嗟乎孔明以此用於魏
掃平三分歸一簣
祇因所遇勢不同
勢既不同功亦異
嗟乎孔明之心如石堅
欲扶漢室還中原
事之不就則天耳安肯俯首
從曹袁
嗟乎孔明如生石不老
後世用法無草草
忽然變作六花看
便失本原難按考
請觀壘石韜機
籌江流東去自悠悠
英豪得此石外指
長與君王靖邊壘

八陣圖詩

我稽八陣圖規模載方冊
竭來鎮西蜀夔門觀壘石
進涉彌牟鎮灘石同一式
細思作者意孔明有深策
高岸或為谷灘石有遺跡
江海變桑田平原猶可覓
故今兩處存千載必一得

武侯祠

宋張震

勲業場中託汗青詩書壇上復誰登
顧廬可是依昭烈持釣何妨
屈子陵力挽狂瀾休轉石功虧累土不成
層他年一笑三生夢應愧多情碧眼僧

八陣臺觀武侯像長句

宋張續

白帝城西魚復浦十月江平見津滸
當年累石紛成行此地卧龍經講武
轅門外建嚴中權列陣相承存後伍
何人蛇勢識常山未數魚麗矜鄭拒
懸知精神貫金石尙想號令嚴鉦鼓
老兵料敵應疑生川后澄波其敢侮
向令赤伏有餘符下睨皇州直指取
云何遺跡司神明獨斬豐功被寰宇
高城置酒共臨眺往事興懷增歎
撫巍然王佐三代前信矣名言照千古

諸葛武侯

元貢師泰

劍江流水綠泔泔五丈原頭日又曛
舊業未曾歸後主大星先已墮前軍
南陽祠廟荒秋草西蜀關山隔暮雲
正統不慚傳萬古莫

將成敗論三分

感懷

元 楊基

鄧禹南陽來杖策歸光武孔明卧隆中不即事先主英雄各有見
何必問出處孫曹與更始未可同日語向非昭烈賢三顧猶未許
君子當識時守身如處女

諸葛村謁武侯廟

元 揭傒斯

炎井厭東都卧龍起南陽漢業入三顧蜀日宣重光豈伊山川阻
况在兵力強八陣通神明二表貫穹蒼天運有隆替吾君自虞唐
煌煌十萬師聲威播八荒大星隕渭南萬古一悲傷但使漢賊分

安有終不亡桓桓蕭將軍雙旌出永昌下馬城南祠爲我酬一觴

題南陽諸葛廟

元 周伯琦

劍江流水綠泔泔五丈原頭日又曛舊業未能歸後主大星先已
落前軍南陽祠廟荒秋草西蜀關山隔暮雲一體君臣垂萬世莫
將成敗論三分

此詩已見貢師
泰亦作周伯琦

諸葛武侯

有序

明 憲皇帝

孔明值漢室板蕩隱於南陽司馬徽謂劉先主曰識時務
者在乎俊傑諸葛孔明真俊傑也徐庶亦謂先主曰諸葛
孔明卧龍也將軍其願見之乎先主信其言枉駕三顧與

論天下事十去七八惟巴蜀用武之國今得之可以鼎足
三分後果如其言孔明身為將相竭力盡忠死而後已自
漢以來一人豈不信哉

諸葛武侯

合春堂藥

勸君屈已結孫吳畫策常排八陣圖忠力儘能恢漢室老天無意
復東都

漢家神器逼奸雄帝胄恢宏起卧龍不是營星中道隕定教吳魏
盡朝宗

卧龍岡

明唐成王古心

四百年來見此人漢家九鼎一肩任天威欲奮蠻煙熄火運方微
禍水深雷動錦川龍乍起雲昏白帝日先沉獨憐父子忠貞處萬
古綱常萬古心

武侯像

明方孝孺

羽扇綸巾一卧龍誓匡寶祚剪英雄圖開八陣神機外國定三分
掌握中

題卧龍岡三顧圖

明解縉

百二山河龍彩滅漢家蒿萊滿宮闕中山帝子絕世賢散盡旌旗
計成拙倉皇落日南陽低抱膝窮簷聞馬嘶陰陰桑樹轉疎影何

意忽感王孫知曹瞞欺孤如蚊鬼豈料君臣得魚水三回鞭轡入
柴扉主賓顏色皆英偉開心見誠兩不疑指掌經綸見尙遲華容
空令一兔走滎水徒慚六出奇堂堂雲長悲莫救區區陸子能深
計相國空懷十倍才孫曹弱子皆爲帝王雙血寒鐵兜鍪張郃魂
含金僕姑皇天竟失中流柱江水空流入陣圖雲龍風虎護儲胥
白日高懸照汗膽徒令忠憤貫乾坤每讀令人動悽淒

五丈原

明李東陽

五丈原頭動地鼓魏人畏蜀如畏虎營門不開呼者怒揮戈指天
天雨漏將星墮空化爲土煉石心勞竟何補侯歸上天多舊伍羽

爲前驅飛後拒忠魂不逐降王車長衛英孫朝烈祖

三顧

明唐寅

草廬三顧屈英雄慷慨南陽起卧龍鼎足未安星又隕陣圖留與
浪濤春

懷卧龍岡

明徐光宗

自謁先生像春光半月歸誰知松壑夢猶向草廬飛

半月溪

明王鉞

一曲溪流幾許深三分事業已消沉水光依舊清如鏡照見武侯
忠義心

孔明

明 余鍾

並驅伊呂見英賢割據山河也是權可恨卧龍岡上月今宵不肯十分圓

題卧龍圖

明 李賢

漢家神器風波舟奸雄環顧涎欲流斯時誰有匡扶具南陽嘉遜阿衡儔帝室之胄何英偉草廬三顧驚神鬼幡然感激釋耕耘一旦君臣若魚水鼎分畢竟不能休務償初志復神州永安遺恨抱終古出師二表俱嘉猷錦水祠堂宛如故劔閣荒蕪流馬路七擒南徼磬天威八陣夔城訝神護營中星隕渭濱秋五丈原頭殺氣

收歸觀猶能走仲達運移漢祚終難留英雄千載空惆悵商周人物能多讓世間成敗不足憑卧龍遺址人爭訪

南陽卧龍圖

明 羅倫

三分天下羽書馳龍卧南陽未起時海內風塵皆羿莽眼中魚水是湯伊未除漢賊身先死便絕江流恨不移曉霧一綃巾咽在青山千古笑曹丕

讀出师表

明 沈周

兩篇忠告慷慨辭字字中間有涕洟天下二歸心屬呂隆中三顧道存伊老臣虛已六未解瞞子輪才十倍之講論堂堂誠激烈孤

忠瘡瘡力驅馳轉征南北思何遠
愴及桓靈語更危開濟莫酬徒
有錄英雄先死却無時天荒六野
星俄隕水噴空江石不移不朽
文章千載事後人能鑒乃能悲

卧龍岡感懷

明黃輝

宛郭雲林舊草廬蕭蕭黃葉雨中
疎水村故識真人里山宇誰當
帝子車玉壘霜寒王氣盡龍岡
楓老翠華虛惟餘高士松蘿月
流照蘋蘩似漢初

襄陽隆中

斬蛟寒浦外何處卧龍岑亂世
燕齊事高人管樂心隆中山故
闔

漢上日偏霽魚水應奇會蝸廬耐
數尋乾坤交顧盼雷雨動蕭森
感激輕彊弱營綜妙古今鷹揚師
盡躍虎視敵全瘖王略無偏正
天威有縱擒雄圖文武集密計
鬼神臨糾合忘殘局艱難矢斷
金屯田判不退安堵了無侵風
逆迴旗影星疎冷劍鐔木牛機
稍洩巾幗辱猶任夕壘揮戈氣
秋原別主忱三分寧夙畫二表
有餘音宇宙綸巾老山河陣絕
沉荆涼寒色迥宛洛亂流深苔
色還遺井松聲豈故林短茅存
露構登劔引霜礎寂寞軍前淚
虛無世外琴筆籌空簡策羽扇
奈氛祲執御甘相屬治書苦欲
禁水流深感歲雲出詎為霖撫
稻思圭里看桃愴蕩陰英雄俱
往跡歎息此彌襟

想像躬耕罷歸來抱膝吟

沔縣武侯祠

明趙貞吉

定軍山前途古老百年誰識荒山道青騶結蓋重問津一來弔古
一傷神時乖不動蛟龍氣野曠空令鳥鵲馴白馬綸巾墮青漢星
光夜入銀河爛玉立烏橋一羽毛締觀塵世如秋毫向時聚沙脚
戲劇今古悠悠俱辟易元菟長護戰旗翻山鬼深藏馬行蹶襄陽
耆舊盡凋殘蔡水東流不忍觀椒漿若下雲中奠應記從軍舊鄉
縣焚雨羗雲滿笛風三聲猿落鬱林東蒼涼薄暮無所見遙想當
時龐德公

拜諸葛武侯祠

明彭澤

丞相祠堂盛楚西千年香火重雕題古湫雲暗神蛟宅老木風生
鐵馬嘶威到七擒無棘面圖開八陣走鯨鯢卧龍岡上高回首陡
覺江東鄴下低

武侯祠

明毛澄

討賊心如逝水東還將黜罰慮深宮漢家天下誰當有王佐規模
自不同魏號縱尊非大義益州雖小是全功要知成敗難先睹莫
把三分笑伏龍

望卧龍岡

明陳洪謨

卧龍人去幾千載岡阜巍然眼界中
半畝青松巢水鶴一簾斜日貫晴虹
湯文我遇心期在管樂何人自比同
兩表精神真不昧可憐天運忌成功

謁武侯祠漫興

明簡香

草廬已定乾坤計高卧寧爲逸豫謀
十倍才猷真陋魏三分事業足安劉
龍岡終古勲名在魚水當年意氣投
大運恨移恢復未雲霄杳杳望伊周

謁武侯祠二十韻

明劉廷詒

無意求聞達人間幾醉醒高吟依白水
長嘯拂青萍雅志當顏運奇才屬妙齡
始遊吳郡邑終立漢朝廷西蜀傳飛檄
中原可建瓴機謀開劍閣號令肅街亭
露布聲彌振霜戈血未腥圖成石作陣
地割鼎爲銘慷慨師頻出艱難戰屢經
羣雄蔽日起孤淚望風零後主悲殘日
前軍落大星勛勞空赤伏遺恨徹蒼溟
炎祚終難復徐方竟不庭鳳歸因鏃翮
龍去已潛形古柏圍三徑崇岡護百靈
森巖神宇在惆悵使車停巫峽陰符秘
雷霆濁浪暝錦官城外路又得見儀型

卧龍岡

巒勢盤迴紫翠重草廬還有密雲封
蘋蘩不爲蒼生起莫到於今

尚卧龍

草廬呈宋南陽二首

明馮志

幸逢賢地主得上卧龍岡野曠人烟靜山高土脉長草廬更制度
遺像儼聲光便欲求鄰隙終焉學隱耕

耕字並無叶讀
未知何以出韻

其二

卧龍人去遠此地尚名岡身應營星隕心期國祚長老臣猶有像
炎漢已無光所幸遺民在憑君一勸耕

卧龍岡

元德從茲起卧龍草廬千載記遺踪君臣一語交投厚宇宙三分

割據雄古木雲霞蒼蘚合斷碑風雨碧苔封登臨景仰清名舊感
激徒傷鼎峙功

卧龍岡

明葉秉敬

山橫黛色枕平蕪樹影蕭疎漢月孤地據賊臣窺九鼎天留元老
峙三都出廬整頓千秋事彈指髡鉗兩國奴故自斷鼇撐四極何
殊赤帝撫雄圖

卧龍岡

明李宗本

卧龍岡謁武侯祠殊絕人懷百代思回首風雲空此地多年蝌蚪
尙殘碑橫經我重朱翁筆灑淚天留杜子詩終古日星炳霄漢於

忠武志

卷之九

詩

七

明燿燿漫多歧

卧龍岡

明李 裴

武侯廟裏題詩處柳絮飛飛此度來想像英雄堪下淚徘徊今古
幾啣杯晴空野鶴投沙嶼長日山花上石臺追憶高風誰得似浮
名真媿役塵埃

謁武侯祠

時久雨
忽晴

明王體復

卧龍一去已千載此地隆然尚有岡廟食不隨炎祚冷隴耕猶認
草廬芳三分遺恨江流在八陣雄圖戰壘長蹙愁星輶拜下楚
雲忽散日生光

册封禮完同渭川張總戎謁武侯祠

明萬 浩

龍岡風物古之情諸葛當年此地耕饘粥不甘全性命鼎鐘何意
勒勳名三分漢業終難濟十倍丕才半未成天定自知人莫勝堂
堂大義仗人明

和邵叅知龍岡遇雨二首

明穆文熙

瞻帷何處問犁鋤正是南陽舊隱廬人擬阿衡會聘幣帝同磐水
出征車兩川小據岷峨險八陣遙吞江漢渠二表中原遺恨在何
能千載不躊躇

其二

忠貞詩
卷之九
梁父當年賦已成却憑白羽赴霓旌立談霸業三分定一笑樓舡
萬炬明烟樹尙籠白水地春花還發錦官城不堪世遠岡陵變風
雨淒其無限情

謁南陽草廬

明顏鯨

隱隱長岡帶白川卧龍人去已千年若評出處君臣義遠邁蕭曹
管樂前祠栢有靈猶捧日草廬無恙尙餐烟炎劉大烈流天地錯
遣東風泣杜鵑

謁諸葛廬用陶臺長韻

明孫永思

竹色松陰鬱碧岑追遊先跡思難禁三分河岳功猶歉萬里風雲

陣復沉龍虎自雄高卧地乾坤不老出師心我來春日瞻遺像感
慨當年抱膝吟

登閣

八窻虛閣俯丹岑寒氣晴餘尙不禁沙徑春殘花韻暗海天雲起
日光沉棟梁無復葺廬草邱壑猶存報主心寂寞空山香火處萬
年風雨一龍吟

隆中之遊實水陽亢大叅望川孫總副文莊郭都閩應洲李

南陽招致也再作此以識謝意

遲日麗中野岡原西抱城地形標奇絕伏龍此躬耕羣公杳逸思

忠武詩
卷之九
三
瞻言示我行虹橋度春水曲阜探幽門嘉樹藹芳陰鮮蘿媚石坪
移尊上高閣孤雲點太清毛骨殊森竦戶牖溪風生極浦瞰黃沙
千里鄉園情相談吊往昔成敗事難立盃酒寄衷懷蜀魏復何評
夕陽落雙鳥暮景促回旌出門搔白首一任紫山橫

道徑南陽謁武侯祠

宗室安汎

覽勝春深過草廬瞻依遺像重踟躕三分割據規模遠千古英雄
感慨餘山水豈能忘故國風雲猶自護邱墟出師二表孤忠在江
漢茫茫恨未除

謁諸葛祠

明 鄧啟愚

業苑吳宮已劫灰獨留遺廟向江開屯雲似擁人龍卧去鳥猶驚
帝子來樹老秋先催落葉庭空春自長輕苔南荒此日偏多事誰
是天威七縱才

望卧龍岡

蘧蘧高枕竟如何三顧頻勞帝子過遶樹獨憐南去鵲向天猶挽
夕陽戈方城雲色含秋雨清水風聲起夜波霸業已隨龍去盡草
廬無主野烟多

南陽弔諸葛武侯二十韻

明 沈應乾

氣數力難挽英雄意若何壯懷空激烈國步轉蹉跎自古悲流涕

平生嘆逝波精誠還日月浩氣亦江河天造有成筭人謀竟泯磨
孔明固絕侶漢祚已無多高卧茅廬穩頻煩帝胄過一朝合魚水
四海見天戈屹屹中流柱桓桓命世軻東江附孫仲中土屬曹糜
奸宄業方赫忠良鬢已皤三分勢割據二表淚滂沱誓死誅新莽
舒籌滅尉佗開心布公道集衆贊調和八陣誇雄畧六韜更綏覲
經綸尙傍午憤惋忽沉疴星宿頽行壘乾坤折太阿餘威稱蜀虎
幽恨泣潛鼃五丈原仍在孤忠魂有麼傷心拜遺像揮灑寫長歌

謁諸葛武侯祠

明蕭鳴鳳

氣聚崇岡紫翠深百年懷抱此登臨山連嵩岳來天地名與人龍

並古今瞿峽風雲時變現中原牛馬幾銷沉誰將清世調元手會
取三分創業心

題卧龍岡武侯祠

明范惟一

崇岡迤邐引長阡想見人龍抱日眠耕擬有莘符曠代聘同殷后
侈當年君臣會合行藏繫社稷安危生死懸千載丹青遺廟在可
憐銅雀但荒烟

卧龍岡謁武侯祠

明裴應章

草廬半畝樹陰陰抱膝聊爲梁父吟豈謂龍岡厓枉顧遂令魚水
契交深三分事業孤臣恨千古綱常二表心大節寧論成與敗英

雄空自淚沾襟

國朝

謁武侯祠

李及秀

討賊書傳萬古香當時誰識漢綱常沉埋國史經千禩賴有知心

是紫陽

定軍山諸葛公墓下作

王士禎

高密起南陽文終從高祖暴繫本見疑數仞亦非武堂堂諸葛公

魚水托心膂二表匹謨訓一德追伊呂視操但如鬼畏蜀還如虎

嗟彼巾幗徒與公豈儔伍紫色復蛙聲抵隙各為主火井方三炎

赤伏更典午志士恥帝秦祭器猶存魯陰平一失險面縛忠奔莒

知公抱遺憾龍卧成千古峨峨定軍山悠悠沔陽許鬱鬱冬青林

哀哀號杜宇耕餘拾敗鏃丹黑聞軍鼓譙侯寧足誅激昂淚如雨

遊卧龍岡

李來章

迢遞崇岡帶郭開草廬南對白河隈三農終老平生志二表爭光

絕代材古柏蕭森龍尚卧新秋颯爽客初來欲親拂拭搜殘碣先

採芳英薦酒杯

祭風臺武侯祠

張鵬翮

東風幾度捲晴沙黯淡荒祠帶落霞江月常團羽扇影帽山似剩

綸巾紗千年古柏傳心事兩表出師老歲華誰謂伊周難比跡煌煌正統卽天家

南陽武侯祠

宗臣俎豆有餘香想像當年道德光澹遠心傳洙泗訣千秋生氣尙堂堂

祭風臺武侯祠步韻

張懋齡

江頭落日淨平沙丞相祠堂接暮霞短碣臨風眠砌草中庭邀月上窗紗三分遺恨千秋志六出空憐兩鬢華毛羽雲霄稱萬古品題端的是詩家

祭風臺武侯祠步韻

陳天祺

祭風臺上望汀沙赤壁澄江映晚霞隱隱綸巾揮羽扇悠悠旌旆岸烏紗千秋義氣凌霄漢百世明禋歷歲華綱目特書傳正統爲公吐氣壯皇家

題卧龍岡

江天清

丞相躬耕處蒼茫見草廬吟深智勇寂卧穩淡寧居漢業存幽悵王圖出緒餘使非臣主契終向隴頭鋤

卧龍岡

王士禎

五丈原頭望秋風落大星空留高卧處古柏日冥冥

卧龍岡二首

徐嘉炎

層岡體勢獨盤紆，弔古徘徊識草廬。
梁父歌吟誰解得，龐公品藻竟何如。
留連白水真人地，彷彿桐江隱士居。
見說卧龍遺址在雲臺，塵坵付邱墟。

其二

羈棲元直媿同儔，邂逅逢君第一流。
事業迥堪追管樂，才名寧屑傲應劉。
新疆已見蠶叢闢，古道曾無杜宇愁。
起蟄風雷需一夕，清時魚水足千秋。

弔卧龍岡

袁寅尊

爲弔先生客隱鄉，山川猶自舊南陽。
輟耕隴上風雲起，抱膝廬中日月長。
惟有經權真學問，自能出處不尋常。
遙遙秦蜀祠堂在，龍卧千秋只此岡。

重建諸葛書院

朱璘

靜成書院本侯言，清水中涵濂洛源。
潛見隨時觀物理，身心得力訓兒孫。
一城烟樹圍新閣，五朶雲峰護短垣。
開拓前規鳴遠大，蒼松勁栢最堪論。

重訂諸葛丞相集

千年理學豈浮沉，諸葛遺編細討尋。
經濟雲霄空萬古，文章鐘呂

冠羣音出師表著君臣義誠子書傳天地心斯道在人今未墜不
教聲價重儒林

草廬

百里長岡一草堂高吟梁父此行藏來游惟有徐元直相對無言
自激昂

諸葛井

卧龍岡下井淵淵飲水常思諸葛賢石上汲痕無數在轆轤何處
問炊烟

武侯祠

朱瑞圖

襄陽有伏龍漠然隆中蟠潛遊至南陽高岡卧噴吒俊傑識時務
隣鬪羞纓冠抱此經濟才隴上相盤桓聊爲梁父吟亦與貧賤安
莘野春雨散渭水秋風寒古來王者師遭際誠艱難三顧恩義重
兩朝心力殫矯矯龍在天風雲護神壇

卧龍岡

戴明說

南陽之南驚蜚雷北風吹雪大如梅杜鵑濕咽啼不得龍岡夕暝
垂烟黑岡頭恍惚有龍伏聞風似覺有羽翼出處大端不可苟君
子之道先生有魏篡吳亂誰驅馳鼎足直峙炎火壽清濤隱照水
魚蹤夜留真氣憑石牖兩朝百艱惟一懷主明主暗弦如直表成

有血泣鬼神龍蛇陸沉寧終極伐魏心吞吳力江流深兮皎如日
不咎星隕咎荆州英雄豈可成敗測吁嗟乎王佐已矣王道息山
深月笑蟲唧唧

卧龍岡謁武侯祠

柯鐸

先生抗迹隆中卧幾度長吟物外觀自以耨鋤聊置力誰知魚水
竟投歡三分在昔籌先定二表於今墨未乾大節如公真不忝英
雄莫復怨衰殘

其二

唾手風雲劍閣平艱難王業已垂成失吞吳魏千秋恨不愧伊周

萬古名雲護舊廬真寂歷烟浮翠栢自崢嶸我叨受鉞來瞻謁爲
蕪椒蘭表一誠

先主三顧處

劉承纓

莫道王孫無大畧只茲頻顧眼如箕相逢便了英雄案白帝城宮
悔更遲

卧龍岡四首

劉漢客

雨過山陂黑秋深隴雁寒不知丞相重猶作布衣觀龍出雲臺易
時空圖陣難願言韜世子倉卒莫彈冠

其二

城闕已邱荒遺塵獨此岡秋風鳴戰壁堊鳥上藜牀河漢思空切
君臣勗自強猶憐張節度異代不同嘗

其三

三分終未定一卧有南陽闕此青苔色流為明月光娥眉懸日及
華黍失勾芒何似廬中碣年年雅頌長

其四

馬上看星火忽然迫季秋天涯難再滯日暮不遑留日草連三戶
黃榆墮四愁感君殘局裏辛苦表王猷

卧龍岡

何之璫

管樂人方隱孫曹吠不休五丁扶漢鼎七縱伏雄酋星未前軍落
身為後主留子瞻猶知己可恨薛能謳

弔卧龍岡諸葛武侯

黨崇雅

不識吟梁父詎為樵與漁遨遊巢許侶追載伊周與吳魏三分鼎
烟雲平榻居寨帷遙問俗覽勝採遺墟師表已塵跡陣圖列壁餘
錦江誰是主瀘水總非初抱膝心無競盈階草未除升沉何足據
登眺漫踟躕

謁武侯祠三首

李本澤

南陽城外武侯祠傳是當初三顧時半隴邱原存漢蹟十年燈火

忠武詩
卷之九
三
伴殘碑聞中應有還廬夢峪口空留古戰旗拜罷先生殊悵望傷
今弔古有餘思

其二

為謁先生訪舊居烟深樹老草盈除卧龍尚識躬耕地瓦甍難尋
畫卦書原上積風吹廢碣城頭敗月照荒廬興亡自昔無良筭宛
水蜀江兩怒如

其三

秋來百感意如何白水洲邊諸葛廬一葉聲殘連廢陌千雲影斷
暗荒墟功名那得留香火事業何人解讀書多少子臣曾過此黃

昏風雨漫躊躇

謁武侯祠

戴上遊

平岡翠簇卧龍祠幾樹輕烟鎖碧枝昔日草堂琴不見於今梁甫
尚傳詩隆中莘野皆三顧清水礮溪第一師從容細看平沙處可
有先生舊馬蹄

過武侯躬耕處

胡延年

宛下稱兵業有年躬耕何事便留連三分此日除蓁莽八陣從來
接井田擇地有心如擇主謀人無計勝謀天區區蜀魏猶爭土漢
祚空為司馬禪

卧龍岡草廬

劉起劍

陵谷年來幾變更草廬依舊似躬耕人隨漢室三分去心在天中
一氣盈伊呂勲名赫若昨蕭曹事業淡如雲試看夜夜岡頭月高
閣猶吟梁父云

武侯祠

陸可求

龍卧高岡數十秋閒評出處兩悠悠吟罷喜借桑柘影名藏羞與
鳳雛儔偏安早定三分業全盛還持再出籌誰料垂成星遽隕孤
忠長繫古今愁

隆中詞

官如臯

韜光一草廬計畫三分緒魚水欲投歡龍岡可掩屍矢志恢漢社
捐軀甘自許豈但管樂儔逼真伊望侶云何顧命來君相成齟齬
一心竭忠瘁兩表勤師旅食少事煩難志決功間泪營中忽隕星
抱憾向誰語英雄淚難收尋覓抱膝所廟貌一時新明經千載舉
栢拱故森森泉流自澗澗况廼陣圖在詩碑滿亭廡依然此隆中
誰可來當宁儂仰念殊設因之醅綠醅徘徊不能去遠火照村墅

謁龍岡草廬

曰足長

今古茫茫多長話擊壺斫地空腕搗問氣陸離鍾異人日星千載
長空驪子也強項不輕降到此留連倒身拜不拜自比管樂能不

拜八陣圖奇怪爲拜先生出處醇漢祚已移心不懈苟或人稱王
佐才未明擇主身名壞維時阿瞞擅中原俯視三巴等拾芥先生
勉將傾履支如治膏肓起勞瘵莫恨三分籌策紆莫因未捷淚長
灑治亂興亡何代無如同杯酒爭一介拓開心眼論英雄不僅區
區問成敗迢遞土岡摠培塿名以卧龍高天界草廬豈復是當初
游人想像瞻依快春花秋草鞠躬留翠栢森森風雲挂總是龍岡
變海滄盈盈白水成桑柎悠悠天地有消磨先生不逐劫灰邁

南陽諸葛武侯祠

周夢暘

江漢遺廬草半荒卧龍何事復南陽岡形蜿蜒來嵩岳廟貌崢嶸
接混茫二表至今餘氣色三分終古見行藏共君不盡英雄恨醉
向東風問彼蒼

其二

會從褒谷拜公顏羽扇綸巾夢寐間異地人爭陳俎豆並時誰共
討權奸將星忽自營中隕王業空歸表後閒弔古漫尋祠下路依
稀猶似定軍山

謁武侯祠

樊王儁

千秋王業想英風此日登臨一拜公數里平岡橫楚出半椽茅屋
坐隆中乾坤鼎足胸先立魚水君臣志竟同一去南陽耕釣少白

雲流盡清河東

其二

會聞避地去瑯琊亂世南陽豈便家應識風雲當此合故將耕牧
寄生涯龍非利見終潛伏珠若無因漫土沙三顧從容何信篤天
令徐庶表英華

其三

匡濟興王第一流天分世運限伊周指揮氣奪曹瞞魄生死忠傳
漢武侯百代英雄師出處兩封遺表照春秋當初赤帝無良佐雜
霸西京馬上頭

卧龍岡弔諸葛武侯二十韻

周有德

三代遺才子瑯琊去避兵躬耕於宛墅閒眺清水明抱膝吟梁父
彈琴澗性情豫爲天下計穩知鼎足爭吳據長江險魏擁天府盈
乘勢豈不便奈何非炎精正誼以明道君子安履貞三顧敦主眷
傾蓋如夙盟所報重知己驅馳許壯行苦心扶社稷盡瘁答生平
推置待將士衆心乃成城幅員因不廣控蜀以及荆咄嗟當厄運
六出祁山征身入不毛地南人建廟清氣吞曹瞞魄威奪司馬聲
繼體值冲闇明良難再賡有漢祚將盡八陣空經營天意自有屬
人力焉能更三復出師表忠愛何篤誠五丈秋風起英雄淚長傾

謁諸葛草廬

紀之健

何處求遺蹟閒閒十畝中
草深狐卧綠花落鳥啼紅
山繞靈無盡江流恨不窮
懸知漢日月終古揭蠶叢

其二

龍卧非藏用梁吟豈負才
未參賢聖意空使俗愚猜
業自昭雲漢廬猶結草萊
儼然崇俎豆弔古奠椒杯

賦得山光深小夢

武侯祠後諸葛書院樓柱有對一聯云山光深小夢龍氣繞長城余甚愛首句因而

賦之

杜 濬

南陽山下白水清卧龍昔日曾躬耕
昭烈至此頻三顧嶭然一起

作長城憶昔隆中高卧時松檜參差淑影移
小童擁篲門前掃午陰欲轉覺來遲
山蜂遊採山花藥採罷翦翦隔窻紙
忽然驚起倒衣裳殘夢猶然續前趾
睡美何期續夢深心閒不厭相侵尋
山光繚繞廬前樹抱膝時為梁父吟
誰知一起向成都三分事業建皇圖
志清中原掃吳魏出師二表矢忠劬
中營星隕天心變廬中人去啼魂
烏今古詞人屬浣花錦官祠宇動
長嗟低徊摹寫詩中苦千載令人哭忠武

茅廬弔古

周邦寧

漢室分崩慨狼噬中山宗枝一綫繫
奮拔風塵延攬殷自得卧龍

成局勢西川養銳麤立基內安外攘著經濟半途受託六尺孤始
終盡瘁勞獻替謾將成敗論英雄英雄大節在命世生則偏安能
制人死則掃境受人制先生關係固何如匡王勲勞良非細才大
不驕功不矜休休偉度堪揚厲能臣還可謂良臣出處光明誰可
繼予以治兵近芳踪登攬興懷在天際如公纔不愧明禋仰止情
傾書之碣

卧龍岡諸葛祠

毛會建

高山南下一橫岡雲氣氤氳土脉長我侯結廬遠聞達抱膝長嘯
聊徜徉感時會賦蕩陰里管樂何人還自比須臾三顧事殷勤卧

龍終爲蒼生起一時掌上决三分指揮氣象走風雲周魯兩荀皆
碌碌天下奇才獨有君破曹鬼蜮禡孫魄要噓炎精成翕赫崎嶇
戎馬不辭艱正如神龍在陂澤無何大命殂永安翠華凋歎空山
寒獨幸君臣矢一德托孤數語摧心肝鞠躬盡瘁臣心苦成敗非
臣所逆觀渭上之師轟如雷營中之星隕如雨從茲王業頓銷沈
長使英雄浩氣吞獨喜絲竹尙一戰我侯有子還有孫匡濟大臣
苟如此伊吕蕭曹何足擬我來瞻拜重欷歔廟貌森嚴環渚水
謁諸葛武侯草廬

趙坤

壯年大隱樂耕鋤一卧南陽遂有廬魚水偶爲蜀國相經綸長載

漢時書岡頭古栢雲歸暮江上寒流月照虛歲歲薦蘋喧社鼓羣
雄霸業竟何如

其二

青林碧草自春秋覽古頻登忠武樓但有公誠存社稷漫將勲績
頌君侯草廬豈特來三顧藻鑒還推第一流莫怨當年興廢事彼
蒼應已厭扶劉

卧龍岡懷古

高岡多白雲想見先生卧沒脛野草深轍跡留三過一篇梁父吟
千古人寡和鼎勢籌預定龍驤名早播奮起雷雨時萬乘爲師佐

誰去將謀短能使蠻胆破吳魏空雄強鋒銳長摧挫號令在忠貞
凶遂敢自大巴蜀雖一隅身舉中原荷天若嗟炎燼功成亦手唾
正誼與明道乾坤永鑒賀而今出處地遺風足立懦

過南陽謁孔明祠

高其位

秉鉞南來過宛城卧龍岡上拜先生不嫌憑弔茅廬下只爲平生
景大名

其二

鞠躬盡瘁原公志五丈原頭遺恨深千古可憑爲臣鏡願將臣鏡
鑒余心

謁武侯祠
柴世堂
諸葛勲名本卧龍，偶從祠廟弔遺踪。
王圖雖僅三分業，臣節應爲百代宗。
石碣篆文荒蕪蝕，茆廬古路斷雲封。
黃冠指點躬耕處，山雨初收紫翠重。

謁武侯祠

張宏祚

四百餘年火德微，妖氛蜂起烟塵飛。
魏吳已自分東北，何事帝胄身無歸。
當時英俊滿區宇，車載斗量安足數。
文士紛紛主運籌，壯夫赴赴惟鬪武。
不識南陽卧龍岡，中有人焉獨徜徉。
抱膝長吟比管樂，胸羅星斗善行藏。
一旦感君三顧惠，草廬早定鼎足計。
連吳取蜀展謀猷，扶危重繼炎劉世。
時哉屈伸起隆中，不愧耕莘釣渭功。
萬目並隨大綱舉，綸巾羽扇壓羣雄。
鞠躬盡瘁吾心竭，齋恨未消餘孽烈。
入祠虔拜仰儀容，令人欲擊唾壺缺。

新修卧龍岡謁忠武祠十六韻

羅景

卧龍山前雲蒼蒼，流丹飛翠爲天章。
空中遙望聳樓閣，繪出忠武新祠堂。
祠堂昔稱舊名勝，幾經灰劫成滄桑。
團團草廬沒荆棘，荒烟廢井留頽墻。
太守臨風意惆悵，感此太息人云亡。
購求不惜千金費，但使廟貌增輝煌。
漢時君臣肅遺像，衣冠古製欣明良。
大業三分獨千古，隆中隻手扶乾綱。
當年吳魏餘喘息，塵氛不掃猶糝

糠岡頭二表炳日月讀之口頰生芬香我來守宛本澹泊從容抱
膝依餘光有時公暇輒命駕登臨雅興非尋常寧遠樓高供眺遠
北俯河洛南荆襄紛紛冠蓋輻輳集誰與攜手稱同行君不見三
顧堂中數君子慷慨孝義爭流芳千秋俎豆人如在祗徇不去心
悲傷

龍岡十咏

草廬

晉陵王鑑

癖愛谿山擬卜居跡隨鹿豕性鳶魚往還白日開雲竇卓犖人間
一草廬

古柏亭

高枝拂日俯欹雲地僻宜招鶴鶴羣山色最憐新雨過名亭積翠
兩氤氳

梁父岩

梁父遙陞意若何片雲長鎖石崖峩松間獨鶴來清嘯遮莫千秋
起恨歌

抱膝石

看雲坐石興遲遲想見當年抱膝時心跡許隨伊呂後隆中却恠
少人知

伴月臺

體驗升沉力轉旋純明千古一嬋娟龍岡近日無人卧滿地清光照澗泉

老龍洞

倒壁盤渦一線紫爐鍾斧鑿自天成探靈咫尺迷雲霧不敢高聲問戰爭

野雲菴

樓雲架石谷仍愚野色山光半有無料想紅塵飛不到此間安樂勝蓬壺

諸葛井

諸葛名垂宇宙奇空山玉殿望中迷天留古井鍾靈秀一片靡無千載思

小虹橋

谷口飛花傍小橋山村車馬絕塵囂尋源有客頻三顧魚水欣逢渡海潮

躬耕田

風歌十畝意閑閑課雨鋤雲力食艱將相兩朝分出處指揮原定卧龍山

新修卧龍岡紀遊十六韻

前人

出郭到西郊山行六七里谷口窈窕深對面雲四起路徑轉盤紆
潺湲聽流水前行探幽奇卧龍有遺址松門列畫圖嵐翠侵杖履
神怡古柏青目奪遠山紫徘徊殿闕裁芳心肅仰止三顧今有堂
躬耕昔留此抱膝樂天真長吟聊復爾聞達非所期懷珍待知己
一朝際風雲魚水情投只三分策豈紆大業中流砥名驅伊呂間
管樂特臂使廟貌何堂堂君臣一體祀千載仰高風長揖漢天子
盧中今無人岡頭滿鹿豕

謁忠武侯祠

營州 武國樞

何須管樂與為羣一代鴻名宇宙聞壽世文章存二表匡君事業
著三分帝師王佐推名世羽扇綸巾伴野雲千載龍岡獨凭眺山
城一帶夕陽曛

龍岡十景

草廬 後建三
顧堂

羅景

已托一塵老安知三顧榮經綸王者佐心跡聖人清

古柏亭

負質本堅貞風霜留勁節清蔭落琴書徙倚靜相悅

梁父巖

梁父為誰吟蕩陰望三士世多疆治徒聽歌髮堪指

抱膝石

澹泊傲王侯綸巾揮羽扇抱膝意何深願抱長貧賤

伴月臺

大業垂千古純忠許一心清光浮宛月顯晦驗升沉

老龍洞

龍卧有時飛龍飛入雲霧崆峒天路遙時作甘霖注

野雲菴

一片野雲居龍蛇走虛壁山翠有無中去來從所適

諸葛井

掘井力何深泉甘人共汲源與河洛通名參天地立

小虹橋

崎嶇一徑斜烟雲隔林壑未與塵世通虹天半落

躬耕田

南陽一布衣躬耕尚古處荆棘悲中原誅鋤非種去

和龍岡十景

草廬 步韻

句章 周位中

結廬留古意迹不干榮蘿薜侵衣袂應知塵世清

古柏亭

亭隅柏森森孤高挺奇節同此冰雪心靜觀自相悅

梁父岩

石上矢清吟隆中有高士時多不平心梁父遙堪指

抱膝石

黃塵正污人抱膝且揮扇片石倚逍遙那知貧與賤

伴月臺

臨臺月伴我暗照我丹心安得天心好不使忽西沉

老龍洞

老龍卧此間洞壑生雲霧咫尺探靈湫清流每四注

野雲菴

綺窓日瀟洒澹雲開絕壁談笑亦無期怡然興自適

諸葛井

古井有龍泉荒野無人汲空留諸葛名徘徊久竚立

小虹橋

曲水護龍岡虹橋帶幽壑尋源有人無閒花處處落

躬耕田

躬耕岡上田山深定何處莫辭穢穢勞自來還自去

卧龍岡懷古

晉陸王銘

不離城郭人間世稍近雲山物外情
花木四時看錦繡文章二表見精誠
躬耕樂道棲遲地抱膝吟詩雅頌聲
此意乾坤堪不替君臣魚水尚浮名

龍岡謁武侯祠

任城郭可權

鬱葱佳氣草廬深俯仰龍岡萬古心
樂道有莘堪繼跡高風梁父寄長吟
森老柏風霜在漠漠荒烟宇殿臨三
顧當年應聘出馳驅情竭感知音

謁武侯新祠

勾餘鄭縉標

龍岡廟貌煥然新白水青山宇宙春
千載尙留三顧地情欣魚水漢君臣

卧龍岡懷古

燕山郭可久

岡頭下馬倚東風歎息三分定此中古
碣自留傳世表青山惟有漢時宮
漫稱公瑾經綸遠愧殺曹瞞意氣雄
吳魏當年爭底事草廬長蔭柏菁葱

謁武侯草廬

古滇俞卿

白水茫茫灌百川先生隱几自巖然
半山風雨三分外滿架圖書兩漢年
竹氣臨秋爭烈日松聲帶月破寒煙
殷勤三顧非無意驚

起卧龍上蜀天

南陽古蹟五首之二

吕履恒

茫茫沙草帶平岡未到城西此恨長
風雨何年龍蛻骨山川空對
客霑裳顧廬英盼同三聘拜表孤忠過一匡
吳魏何人堪鼎峙遺

民流涕薦馨香

卧龍岡在城西七里以
夙行且雨未獲往謁

遙題卧龍岡

和家坦
卷兄

吕謙恒

崇岡遙對郡城開此地曾邀三顧來
策定數言分鼎足圖傳八陣
識鴻才故林迢遞猶堪思詞客經過未忍回
聞道少陵詩是史襟
期伊吕許同裁

卧龍岡懷古同箕陳

吕耀曾

南陽城西卧龍岡地脉綿亘接嵩邙
漢季羣雄爭割據先生樂道
此遷藏管樂自比識者少抱膝長吟日徜徉
感激豫州三顧禮意
氣投合翻然起倏忽東吳萬炬來赤壁奇功已建矣
南收三郡軍
實充西定巴蜀政咸理可憐白帝受託孤願竭股肱死後已七縱
七擒服南人六出祁山軍聲偉天不祚漢隕大星仲達知生不知
死二表長存宇宙間八陣石堆魚復泚江流水落迹依然鬼神呵
護當爾爾耀也奉

命諭黔苗道經先生之故里齋戒沐浴拜階前伊吕而外誰可擬

登高遠望清水流古栢參差翠煙浮想像當年躬耕日視彼富貴
如蜉蝣感慨情深不能置徙倚欲去又還留君不見鄴下銅雀沒
漳河吳主宮殿成灰土卧龍岡上三顧堂廟貌常新歷終古

南陽諸葛廬

五首

陳中榮

炎精四百漸塵蒙天挺人龍岱嶽東禮樂才歸謹慎蘊兵農學裕
淡寧中不於亂世求聞達豈慕春陵剩鬱葱萍泛鄧襄因寓此師
尊高士得龐公

耕罷長吟道自娛一枝聊倚宛城隅無端帝胄勤三顧有志皇綱
藉再扶知己禮隆宜報稱匡王義重許馳驅策籌荆益和戎後大
振聲靈復故都

魚水遭逢快主賓統承獻帝定君臣二州割據三分鼎一德周旋
十七春器使賢能官錄舊嚴明賞罰政圖新大儒氣象與王佐千
古迢迢共幾人

永安涕泣受遺孤耿耿丹衷上下孚開布公誠忠慮集丁寧宮府
至言腴鹵城戰勝摧強寇渭水屯耕省遠輸引領還京興禮樂明
農仍返舊廬夫

千載淒傳五丈原憑高遠眺爲招魂舟通白水從巴峽路轉秦川
出劍門士女謳思瞻竹栢春秋祭祀潔蘋蘩崔徐水鑑居相望攜

手歡然話舊軒

跋

嘉慶癸亥寓硯商城得晤家孝廉扶輪兄
兄曾司鐸南陽三載矣回邛在南陽時所
見武侯暨諸先哲遺跡孝廉云武侯廟
在南陽縣治之西七里許朔望拈香內以
廣文司其事緣此屢詣其地武侯後裔尚
有名列黌宮時相往來者又有晁生手持

忠正記 卷之十一
武侯手書保券貸錢千萬字跡宛然視若
拱璧旋即執去此事載入 張遂寧先生
所刻忠武誌內是書余已得之因笑謂孝
廉曰母貪一甌願求一覽及展卷讀之既
得悉武侯梗概且先儒鉅公手筆在焉肅
然起敬繕寫成書願私之一人而不能公
之海內甚非當年繕寫意也遲之又久與

世兄王鶴舉細加校閱始付剞劂以公同
好覽是書者洞悉顛末不必親至卧龍之
地按圖便自了然讀其書想見武侯之為
人雖千載而遙又不啻一堂親炙矣何快
如之爰於卷末用綴數語以告諸好古之
君子可也

保券見五
卷遺事內

嘉慶十九年歲在閏逢閏茂壯月既望後

學麻城周畹蘭盥手敬跋

忠武誌卷之十

遂寧張鵬翮輯
劉廷璣
全校

張懋齡

賦

八陣圖蹟賦

羅士琥

八陣圖有三永嘉薛氏云一在魚復一在廣都一在沔陽
成都記以為在夔者六十有四方陣法也在牟彌者一百
二十有八當頭陣法也其在棋盤市者二百五十有六下
營法也然則在魚復者其方陣法歟風后遠矣馬隆之贊

獨孤及之記韜鈴裂素筆墨畦徑間爾磊磊落落晶晶熒熒長留水滸千載如新其諸葛公魚復之所陳歎篝燈賦之

客有揮奇肱馳桂軸鞭素鸞御黃鵠出牂牁踰瓦屋策青羗邁黃竹訪雪外之蓬婆超雲間之滴博探玉斧之界畫遡金精於寥廓千里一息忽經魚復於是俯鼈令之幽居尋孔明之遺躅但見渺漠漫之平灘列參差之珉玉或周迴而維衛或拱揖而倚伏或軒豁而欲馳或蹙狹而如簇謂其爲遼海神鞭之斥塵也庚稽山之馬羈也神禹鑿餘之所飛媧皇補天之所遺也又謂其與水火土

同時而生根先天氣之希彝也何喧騰澎湃如萬騎之西來激射蕩瀟飛流湍沫亘古今而莫之移也俯而睨仰而思已去而復顧盤辟而委蛇曰噫嘻我始知之矣風雲慘淡豪傑經綸螿其猶龍者隆中之所蘊神其妙用者八陣之所陳觀其蔽壁門兮重關倚却月兮連環天衡十六兮據兩端地軸十二兮居中間風八陣兮附天而前擁雲八陣兮附地而後環天地之前衝一變而爲虎踞其附天之風亦再變而爲蛇蟠天地之後衝一變而爲龍驤其附地之雲亦再變而爲鳥翔於是七八爲經九六爲緯以天地風雲爲四正以龍虎鳥蛇爲四奇而成八陣磐磐有中權後勁輕重之

別有先陰後陽剛柔之節以實擊虛今明彼此以先擊後兮定主
客我簡而敵常繁我閑而敵常迫以正合兮以奇勝乘陰陽兮論
生尅門其將發游軍補闕合之則一散之則八握機之妙在指掌
屈伸之列凡其銅鼓震而獵狝之頭開木牛騰而關隴之魄摧孟
獲之所謂天威司馬之所謂奇才皆此圖之士苴塵埃也彼不力
圖牝牡衝方車輪罌罌行四頭八尾托名於八卦倚重於武侯
者特劔首之一映而已得其微而遺其微舍棟梁而拾節稅也雖
然斯義也風后握之佐軒轅擒蚩尤而爲萬古兵家之師馬隆識
之作鹿箱車破樹機能而成涼州一戰之奇何曠世之良材竟不

卒其所施曾出師之未旣遽隕星之流輝淒涼乎梁父之吟際會
乎風雲之期幡然於三顧之餘夫豈不知炎德之微而猶區區此
圖之爲邪人亡事往名留蹟遺桓宣武見之僅識其常山一節之
勢社工部過之激而爲江流不轉之詩豈武侯忠赤貫此諸石陽
侯川后者爲之呵護遺千古無窮之悲也蓋公之所可能者人公
之所不可能者天天運不復扶漢祚之衰是以天戈不能回漢日
之西未可以成敗利鈍而隨聲於黃口之蚩蚩也觀畢又從而爲
之歌曰伯仲間兮呂伊失蕭曹兮定指麾才十倍兮曹丕遺巾幗
兮懿慚而見揮操如鼠兮睨鄰雞公如龍兮入天飛八陣圖兮雲

忠正言 卷之十
三
栖尙見公兮杜德機圖不盡兮栢十圍後千載兮依依微斯人兮
吾誰與歸

八陣圖賦

元江西儒
學提舉 楊維禎

遐哉邈乎蚕叢故墟劍閣崢嶸兮石棧縈紆車不得而運兮馬不
得以驅非王業之所基兮徒抗險乎中都帝中山之苗裔兮迺猶
厄此斗隅黃星射乎宋野兮強獬狴乎江之東偉伏龍之感激兮
起左顧乎隆中允識時之俊傑兮吞餘子於一空圖八陣以用武
兮必先天下而獨得六十四之成筭兮本馬圖之全畫三十二之岐
分兮妙陰陽之互宅天衡地軸兮風雲盤辟龍飛鳥逝兮蛇蟠虎

翼撓之無迹兮運之無方進退不愆兮出沒靡常奇不夫於正正
兮怪不越於堂堂伏至動於至靜兮寓能柔於能剛喻以常山之
蛇勢兮曾未測其望洋巴之水兮殊崖折壁峽之濤兮風霆礚礚
彼箕張而翼布兮會不轉其魄石非神物之陰衛兮孰萬夫之捍
力想貔貅之對壘兮指白羽之一麾運縱擒於掌握兮筭不出於
八奇賊之望而走兮甘巾幘之受雌按涓濱之所屯兮實鼎國之
王師自風后之有圖兮肆獯蚩之赫伐逮尙父之六韜兮佐牧野
之黃鉞孫吳馬之剽掠兮徒生靈之肉血鄙敗事於腐儒兮彼譙
生其又何法茲八陣之猶覺兮軼軒皇與天老曰流馬與木牛兮

又神機之所造歟中營之告變兮哀夫人之奪蚤訖黃芒以當天
兮掩炎精之皜皜嗚呼西望岷峨兮南泝錦江山川相繆兮地老
天荒歌梁父兮醜吾觴招謫仙兮呼子長訪魚復之砂磧兮弔新
都之戰場雖武無用於今之時兮亦以發吾文之氣剛

弔武侯賦

明宏文館學士封誠意伯劉基

天地閔塞兮聖賢隱淪大旱焦土兮龍無所用其神當運命之厄
窮兮堯舜且猶有極委厥軀以隨化兮亦哲人之所戚彼狂猾之
縱悖兮履羿莽以滔天亂倫汨典兮流毒為淵夏少康之不作兮
時又無湯與武蕨薇不可以食兮焉畹畹而獨處睠三顧之欵悃

兮躐高光之所為鳳凰非梧桐不棲兮吁嗟去此其安歸瞻星芒
於渭濱兮豈皇天之泮渙日昃不可使再中兮指桓靈而慨歎昔
尼父之不逢兮寓斧鉞於春秋誅奸邪於既死兮開日月之昧幽
般紛紛以攘奪兮世不以之為殃民彝泯滅猶一髮兮微斯人其
孰明覽出師之遺表兮涕淫淫其如雨悲逝者之不同兮邈清風
於萬古

渡瀘賦

明何景明

晨瞻崇邱鬱乎相袞扃以水峽隱以大洲沙莽寒日江深夕流蓋
將濟於瀘水傍人告予以理舟沿洪濤以直度迎迴波於上游顧

中原而緬邈久西域以滯留感逆旅之長勤懷古人而增憂想夫漢炎既燼蜀都始家區土未闢士馬不加深入五溪橫制三巴冒險通塞柔邇來遐收羗豸以帶甲率庸廬而習戎今其斷岸遺津寂寥水涯苦霧縈石悲風振沙音塵淪絕今古長嗟歎餘風兮莫覩幸故址兮重過側身西望形勢蒼蒼襟夔府而控荆門峙巫峽而流瞿塘簡書零落陣圖縱橫煙磧下月陰岸積霜風雲慘而猶憤魚鳥畏而將翔南瞻祠廟巍兮敞宏松栢蔭戶丹青闕宮羗戎禮像而崩角士民醜酒而獻衷然而垣胥林蔓塔卷寒蓬亦徒嚶吁父老涕淚英雄而已嗚呼當其三顧之後受遺之餘誓殲蝨虺

以報水魚思中興之偉烈恥偏安於一隅業已折司馬之牙角涉魏氏之郊墟何遂違其厥志竟勿騁其長驅吾哀斯人遭時不淑赤星投管蜀氓巷哭瀘水之歸露布盈幅祁山之出紉謳人谷何先後之頓殊遭漢家之百六嗟哉天道高不可摩旣促公筭難揮魯戈矢鞠躬兮躬殞縱貞忠其若何泛泛吾舟載揚其波艤彼清潯陟彼中阿無人可邀聊獨行歌歌曰朔風起兮瀘水寒扣楫中流兮懷昔賢遇非其時兮良獨艱嗟嗟遇非其時兮良獨艱

卧龍岡賦

國朝 李宗本

訪春陵之遺跡兮縹余馬於龍岡仰先生之高風兮展一敬於辦

香登岑樓以徘徊兮眺白水之帝鄉直阡界井曲汜通隍頽雲送
日叢卉腓霜迥長天之寥廓極大野之蒼茫喟千古之浩嘆涕淫
淫而霑裳憶先生之農隱兮時抱膝而長嘯避聞達以龍盤兮蓋
玩世而高蹈彼冒恥以干進兮雖顯榮非所徼欲賦畝而廟廊兮
黍與稷其油油於芑芑而億億兮走帝室之豫州禮邱阿之潛德
兮輪誠惻於三求矯龍翼於天衢兮咨豐隆與之謀覘天文於楚
宋兮憤黃星之睽睽擁虎士於中原兮紛餐膚而乳血顧力孱者
未易撲兮勢燎原而方烈睨武烈之有子兮射組練而光耀茲可
與轉車而不可仇兮亦樂毅之韓趙熾東風於一炬兮禡當塗之

游魂非兩美之攸合兮詎能翦其凶門瞰荆流之一帶兮右庸蜀
而在吳疆據上游之總會兮進可以扼勅敵之吭茲兵家之所秘
計兮又惡能易此域也訝大將之雷鼓兮嘈嘈震乎漢陽虢封狐
於廷虺兮彎六鈞而殪天狼何婚媾之內賊兮不能脫英雄於敗
亡無一騎之先偵兮獨任而踈於虞防將相睦而脈絡貫兮予終
不能泮此疑也仰白帝之嗟哉兮大命殂於永安赤符暗而鬱悒
兮凋翠華於空山托孤兒之一綫兮諒忠信之貞堅天地爲之同
盟兮日月炤乎肺肝彼遺令之瑣屑兮託分香與賣履曾歌吹之
足歆兮莽西陵之風雨心紆曲而如魅兮穢百代而可恥慨王業

之偏安兮鈞陳衛乎梁州奏丞相之匡扶兮百紀爲之惠疇挽濛
汜之末炤兮鍊五石於不周介征馬於蠻洛兮汎天聲之颼颼訐
中原之長技兮極智慮之詳周元幕緣微伐馴梁駟槍梟儲胥戒
守夜陬五兵三屬犀渠鞬整糗精餽載旒旗戈矛恩右挾續驩擬
醪投鴻網捷獵嚮應如枹相時據勢握圖運籌動出不測止鎮山
邱衝鞠雷堃激矢竄稠礮石超乘以馘以蹂烏飛雲遊揮霍吻膠
櫻之則覩犯之則劉外嚴節制機妙神道惟無以察其縱橫故得
以任其去留孰謂將畧而非其所優也不攘功而匿瑕兮伸討賊
之大義每開誠而布公兮殫繁思之勞瘁胡天意之不屬兮星熒

熒而夜墮近銳卒之羣追兮寧憊虎之弗畏二表上而地裂兮八
陣布而天忌謂先生功無成兮雖孔悝用之東亦何濟謂街亭之
匪哲於謾兮雖伯鯨亦失之唐帝益州人昏於無王兮取之非以
爲恃國小急戎而恐師疲兮老冉冉其道至如拯溺必待於規行
兮將置厥祖之劍璽於何地嗚呼漢祚之未終兮假河北之王郎
姬運之方勃兮振尙父之鷹揚後人之嗶嗶於先生者又何異坎
黽之撼舩舠聊援翰以抒悰兮依稀乎靈颺淒肅於松堂

卧龍岡賦

羅 鈞

秦稱宛邑漢屬南陽東南衝要帶嶽襟江地靈人傑山高水長城

西有阜脉接太行蔚然深秀古卧龍岡昔有賢人於茲避世因樂志於躬耕遂忘懷於名利薄管樂而非儔仰伊呂而是企厥後漢裔訪賢求治禮士殷勤草廬三至遂許驅馳鞠躬盡瘁爲王者師重興漢嗣星墜祁山古今垂淚宛人懷德立祠奉祀千古龍岡遂成勝地爾迺草廬舊跡三顧遺芳雲飛月榭松覆碑廊惠澤本深猶留古井於岡外育材有道故建書院於祠傍後有高閣宏敞軒昂棟擎雲漢簾捲滄桑景留四季日瞰八荒龍岡之南清水迴瀾源於河洛之區滙於江漢之間臺傳光武之名風雲黯黯里誌陶朱之宅禾黍芊芊彩鷁輕浮烟波客棹牙檣高樹簫鼓樓船北眺

白水飛虹紫山聳秀河界温涼田鋪錦繡雞聲遠近相隣竹塢花庄雲影霏微不遠烟風霧岫至若曠焉右顧襄鄧通衢青帘招客紅袖當壚馬嘶古驛塵暗征途行吟載道後應前呼士民攘攘郡多富庶桑麻密密田自膏腴轉而東盼則樹環郭外水抱城西錯落居樓炊烟縹緲喧填曉市人語依稀燕雀紅亭細雨飛花落落牛羊綠野斜陽芳草萋萋此四方之勝概供遊人之品題者也若夫和風解凍枯草回春綠樽紫栢寶馬香塵嶺上天桃紅顏笑客隴頭嫩柳青眼窺人猥翠倚紅半屬郡中顯要揮毫命酒無非海內奇英爰乃花信過春光轉百卉殘樹陰滿綠柳沙堤紅蓮池館

水氣侵衣山光浮蓋傳碧筩於河朔地固相宜聽漁笛於滄浪興
復不淺及夫金風洗暑桐葉驚秋欲觀秋色宜上高邱黃菊舒籬
偶屈淵明之駕丹楓浮水不賺武陵之舟水落平沙漁歌南浦稻
香綠野農慶西疇雁字一行碧天有跡山屏幾曲圖畫多幽攜杖
登高不必龍山之頂開樽嘯月何須庾亮之樓至於天地閉塞風
霜嚴冷葉盡林空草枯野迥梅開孤嶼策灞橋之蹇驢雪積江天
泛剡溪之孤艇此四時之奇見皆龍岡之勝境即使摩詰丹黃難
繪斯圖左思筆墨靡窮其景者也則有牧豎耕夫田姑村婦社鼓
鳴郊香花滿路負女提兒蜂攢蟻聚共覓遺踪無分男女之殊錯

傳往事不管漢唐之誤使其善者而登臨愈勵其誠卽不善者而
瞻仰亦知警悟間有縉紳當道顯達崇階爰整車馬於此徘徊柳
拂旌旗或爲省耕而過花沾翠蓋或緣祈福而來莫不仰遺容而
致敬讀遺表而興懷庶致身爲國者知所感耳彼竊位苟祿者能
無愧哉或文壇游客藝苑詞宗停裝攬古躡履尋踪慷慨懷忠之
句揮毫壁上歔歔傷往之談寄興杯中岡外龍飛徒繫情於蔓草
營前星隕猶遺恨於秋風僕也飄零半世淪落千鄉時趨北燕偶
過南陽爲瞻忠武來奠椒漿欣龍岡之景物因摹寫於篇章但千
年之名勝豈弱詞之所能揄揚嗚呼龍岡不獨爲世人游觀之所

忠正記 卷之一
夫亦爲天下風化之場又從而爲之歌歌曰卧龍岡兮形蜿蜒鍾
精靈兮漢名賢際風雲兮飛龍上天表忠貞兮歷代詩篇固一世
之人龍兮宜其俎豆千年彼栗里與嚴陵兮又何敢與龍岡並傳
跋

真儒之間出王佐之挺生旣秉非常之質必遂非常之志然有命
焉以限之未能大展其內聖外王之學千百世而下未嘗不爲之
咨嗟太息敬慕不忘如諸葛忠武侯之出處是也侯以邁種之德
名世之才而遭此離之日不求聞達遯世無悶若將終身焉及感
三顧之知卽勵匪躬之節其所以勸昭烈撫有荆益者無非欲削

平僭亂翊戴漢朝獻帝在則輔昭烈爲桓文獻帝亡則遯昭烈於
湯武夫侯旣懷德負才當高卧隆中時不卽以伊呂自許而退比
於管樂者其心可知已然昭烈名雖帝胄而當殄瘁之餘無寸土
之藉非若小白之有齊重耳之有晉卽爲管樂已難况非湯之有
亳文之有岐爲伊呂者不更難乎而終奄有荆益威行荊服託孤
承命挽已去之天心復炎劉之墜緒者又四十餘年其間出師討
賊誓以北定中原沼吳滅魏興漢室以還舊都故其屯兵於五丈
原也儻爲从駐之基閭閻安堵軍卒無私此其志亦堅且大矣使
天假之年必揚兵河濟恢復中原與伊呂競烈奈何昊天不弔星

隕秋風而終不食鞠躬盡瘁之一言間嘗考其品行事功原本於希聖希賢之學而後濟以經天緯地之才侯真三代以下五百年之名世哉彼小儒陳壽妄肆雌黃甘跖犬之不若固無足論獨是司馬溫公資治通鑑亦竟相沿不改上下千餘年無有起而正之者惟杜少陵詩云伯仲之間見伊呂庶幾知侯者矣逮紫陽綱目一成始以章武紀元書侯以爵書伐書討扶綱振紀而後春秋之義炳如日星南軒復爲列傳以翼之厥功偉焉今我

遂寧先生學探淵源才宏經濟游藝所臻尤耽尙論念侯之至德豐功昭垂今古不有全書曷以傳後於是博搜廣採因侯之年表考其始終以按其生平之經歷刪浮存要彙爲一編名之曰忠武誌舉凡侯出處之正抱負之宏得君之專託孤之誠知人之明刑賞之公制度之巧用兵之神薦賢之忠聲教之廣將畧之深沉相業之彪炳與夫帝統正閏之辨一展卷間瞭如指掌猗與林哉蔑以加矣後之人展讀是編慨然敬慕侯之爲人則忠君愛國之心油然而興是編之有關於名教豈淺鮮哉因不揣荒陋謹拜手而爲之跋時

康熙四十五年歲次丙戌陽月穀旦

分巡江南淮徐道兼理河庫印務提刑按察使司僉事加九級前

江西等處地方提刑按察使司按察使潘陽劉廷璣謹跋

昔漢建安之季天下分爭羣雄雲擾武侯抱濟世之才不於其時乘勢取榮方且隆中高卧抱膝長吟豈非所謂隱居求志者哉及胎烈訪知三顧禮遇殷勤得古師臣之義因奮身而出扶危繼絕支大厦雞百戰之餘其才益亦奇矣惜乎天不祚漢中原未復齋志而殂此則可為額地悲歌呼天浩歎者耳然而天之所定人不能違孔子孟子生於亂世遭時不偶甘為著述以垂世聖賢學問經濟豈必以成敗論耶晉陳壽志三國於武侯事

多畧而不詳蓋壽生於晉世各有忌諱不得不爾至於表請崇祀則固已心服其為人矣歷唐宋元明代增祀典記銘論贊愈久愈多然俱散軼未有成書且於武侯之學術人品相業將畧俱無以詳悉其始末是亦千載之憾事也

遂寧張夫子西川名雋海內大儒慨然慕武侯之為人窮搜博採將武侯生平撰述及其表箋書札與相蜀出師政績次及於後人論贊碑記詩詞無不畢載顏之曰忠武誌俾後之人展卷全覽知武侯學祖聖賢出處以正其用入行政俱原本經術及夫臨危制勝料敵設奇則又如至誠前知數不能遁則武侯之得列於孔孟

之徒而不但比之於蕭曹之亞者賴斯編以傳之千古也余叨守
南陽爲武侯出處之地凜遵 張夫子命將武侯祠宇書院暨各
舊蹟俱一爲鼎新所望後來者毋忘前人辛苦而多刊以行世亦
或什襲而珍藏之因不揣鄙陋而妄贅數言於其末時

康熙五十一年歲在壬辰南陽府知府加一級襄平羅景謹跋

重修卧龍岡旣落成恭謁武侯祠跋

康熙壬辰子月重修卧龍岡忠武祠功旣告竣郡守羅景適膺舉
卓異入覲赴京明年癸巳五月乃還越宿趣謁武侯於堂下禮畢
復造草廬登寧遠樓軒然四望而宛城十萬戶森列目前太守慨

然曰民庶矣不可不富民富矣不可不教夫興學校作人心正法
度激濁揚清此太守之責也樂利親賢盛德入人之深使百世不
忘而興起者至道之感也母之入曰侯之靈於宛也災必禦患必
捍水旱疾病禱祀無不應故歲時伏臘畢致祭於祠宛人之戴侯
也如父母然今者侯祠之新趨事効能奔走恐後固有不介而乎
者人之愛慕乎侯歟抑侯之忠義道德足以感發乎人也太守茲
役惟賴爾二三子之力爾其遊於斯息於斯誦習於斯聽太守教
言而知所法守也夫躬耕畝畝勤力食也抱膝長吟志守貞也草
廬蕭然樂天命也三顧待聘慎出處也二表流芳啟忠義也羅列

古今名公詩賦匾額碑碣以供翫覽觀其文如見其人也三顧祠中立昭烈像右翊以武侯堂廉一德固已左次以漢壽亭侯桓侯同祀顏以三義名旁又以子瞻孫尙耐於左右一堂之內煥乎君臣則有禮也兄弟則有義也父子祖孫作述之繼賢而忠孝盡於一門與夫交友切磋之有道其爲世教人心係非淺鮮也外建書院則太守作興民俗教育人材惟忠武之風足以廉頑立懦欲爾民仰之如神明事之如父母相觀而勉於善也今太守受

天子命將往神木宛之父老有以借寇爲言者太守誠不忍一日之去宛而私不廢公毋相強也爾二三子惟聽太守教言永矢勿謏

則如太守留宛也故於卧龍岡之遊聊誌數語以爲宛民贈

皆

康熙歲次壬辰夏月襄平羅星瞻氏題

運翁先生忠武誌書後

陳廷敬

莘野涓濱莽岑寂草廬人往風蕭騷功名出處良已矣文雅尙欲追賢豪董相賈傅工口說大川不濟猶繫匏託之空言少成事我思古人心鬱陶公旦流言有管蔡子房勲業無蕭曹豈如我侯聲迹高龍鱗鳳翼偕翱翔三迴枉顧同魚水萬古雲霄一羽毛古來宗臣誰可比三代以後焉足齒五百年間王者興名世迢迢應運

起張公挺出生民秀尙友千秋寸心是共知忠孝由性成眼底何
人天下士以茲論古沿宋唐六朝五代得穢史遠從墳典溯羲黃
近取傳聞到桑梓兩川猶餘草木香八陣不沒江流駛收拾遺文
盡金石錦水茫茫空石壘身行萬里徧江山辛勤采擷逾三紀我
侯文字炳日星我公志節發濛汜敬也衰殘寂寞人感公颯若灰
不死城東古廟來相親久旱不雨潤沾圮子驚視之公欽咨予所
服膺寧止此公平當軸相吾
君老人民岩歌樂只

